


太上老君混元三部符卷下



服此符令人  
飲酒不醉

服之飲酒不醉

二十六

不醉無此符

安竟令酒臭

酒不解奉此符

無上三元鎮宅靈錄  
卷七  
 無上上元始太上玉皇無極大道君以歲  
 在壬申十月十五日寅時道君臨降於崑崙  
 山層城上宮爾時列真於虛空之中威光煒  
 燁虛疑霄景之上明命告金明七真曰爾當  
 為來運十方天人正法中師以不若欲為真  
 者先當以救世為急即應廣加功德開度天  
 人也其功無上功成德普自得道矣  
 是時七真存真具相十觀金元飛景入寂玄  
 朝天尊於無無無上上大寂上妙稽首作  
 禮請問天尊自頃年以來三界崩論天地之  
 間人鬼兵戈之氣日夜訕訕末劫之世豈七  
 真下愚冥昧能知所濟也伏願開示未悟令  
 七真於斯方登正覺以為救世法橋不但今  
 生蒙惠亦當濟後惟廣度來生唯願天尊賜  
 見哀原七真不及之愆也  
 爾時天尊即告金明七真曰子運應受記當  
 來為十方至真大聖正法中師轉是金真正  
 法輪也且法輪之功則無上上妙正法中真  
 大乘中之王也其功德巍巍大馬廣圓蓋斯

萬象之上實有無量功德無能比者自非至  
 人高尚之子焉能建其功德樹斯福基也但  
 三界蒼生淪溺苦海亡者骸沉幽夜魂其受  
 諸塗炭生者不幸值此末劫在於三災五濁  
 之運百惡驟趣災兵並行為日已久豈不為  
 之哀哉但大乘上素功德故非天下兆民之  
 所恒修是功也今故以上元天官上靈檢神  
 築鬼收魔攝精大錄以持相付即名曰無上  
 三元安鎮宅錄也以持助天地正氣輔國佐  
 時符命三元以此可持濟世矣封以太上三  
 元之章也鎮於天人堂戶之上以持驅除十  
 方五方天地妖精鬼疫瘴災百毒凶害不祥  
 之氣魔邪魘變異之象並使制之使萬殃  
 兵災鬼精不泄未保兆之無為矣有得之者  
 則保爾曹得度三災及於五濁之中大難也  
 若其國有道之君當值吾道其作太平君臣  
 行道即社稷長存也七真於是稽首再拜請  
 受靈錄爾時  
 天尊告七真曰今當為爾普告天地共來證  
 盟也以鎮靈錄之首即使檢攝不正之氣以

來入正法也七真作禮奉受上啓天尊謹當  
依法奉行受事畢竟天尊騰虛隱形而去

無上三元鎮宅靈錄

無上上上元始太上玉皇無極大道君今降  
金明七真無上三元安鎮其宅靈錄則以歲  
在壬申十月十五日寅時普告無上清微禹  
餘大赤三天真皇玉司天官高上九天玉皇  
玉司之官三十二天上帝司命之官十方飛  
天神皇司錄之官無上玉帝太帝天帝太一  
司命司錄把算生神度命延年益壽之君九  
天九地諸司天官諸天日月星宿璇璣玉衡  
七星北斗五帝四司無上無下無幽無隱無  
深無淺無極無窮十方冥寂凝住無量至真  
大聖尊神三界一切官屬無量神明居天地  
水三元九宮八卦六甲諸官將吏五嶽靈  
山大澤三河四瀆九江淮濟漢津大海九州  
里域山林孟長十二溪女根源本始土地之


無上三元鎮宅靈錄

王杜稷真官將吏無高無卑天真大神俱與  
金明七真對盟告誓自今封兆無上三元鎮  
宅靈錄之後不得又犯違約放縱魔兵鬼神  
災毒疫煞侵害此之門戶家室男女長幼若  
有邪來干正之者則付守宅三無九部上靈  
大將軍吏兵收取部送北鄴太陰之北寒水  
九夜之庭以付風刀水火諸官依九都官律  
考九萬劫無原急急一如

元始太上玉皇大道君律令

無上上元清微天正法玉典司正上靈鎮防  
大將軍一人官將守宅兵士三十六萬人  
無上上元清微天都正玉司上靈鎮防大將  
軍一人官將守宅兵士三十六萬人  
無上上元清微天正法玉司大都監上靈鎮  
防大將軍一人官將守宅兵士三十六萬人  
無上上上元始太上玉皇無極大道君命無  
上上元清微天正法玉司鎮防三將軍等各  
部守宅兵士各三十六萬人精押所部兵士  
鎮防大道清真正法弟子某宅四面八方上  
下中央守衛各三十六萬重若有欲來侵害

其家門戶干犯正法弟子之者將軍兵士當  
振動天威一時收取群姦鬼賊瘴災不正之  
神即遷逐部送北鄴風刀水火之官拷若將  
軍兵士眾等有容隱之者亦同其罪自非某  
家宗祠之鬼一不得進封宅之後水保兆家  
大小男女錄籍令得度三災之運急急一如  
律令



無上中元禹餘天司正明威上靈鎮防大將  
軍一人官將守宅兵馬三十六萬人  
無上中元禹餘天司法明威上靈鎮防大將  
軍一人官將守宅兵馬三十六萬人  
無上中元禹餘天司非明威上靈鎮防大將  
軍一人官將守宅兵馬三十六萬人  
無上上上元始太上玉皇大道君命無上中  
元禹餘天司正司法司非明威三將軍等各  
部守宅兵馬各三十六萬人精押所部兵馬

神官鎮防大道清真正法弟子某宅四方四維六甲十二時上檢勅宅中青龍白虎朱雀玄武勾陳伏龍共相營衛各三十六萬重周帀兆宅外防眾非司察五方瘟疫疫毒魘魘空中浮遊鬼魅地中沉尸伏殺金銀銅鐵玉石之精六天故氣巫祝房廟之靈在某宅內或在四面為精為祟之者將軍兵馬即動天威振烈神功收取部送北鄴九幽之獄驅除不祥今兆封宅錄之後非親祠之鬼一不得進將軍兵馬若有容非為某作禍害同與邪伍執拷無原急急一如律令



無上下元大赤天正法四鎮直靈鎮防大將軍一人官將守宅吏兵三十六萬人  
無上下元大赤天正法四司直靈鎮防大將軍一人官將守宅吏兵三十六萬人  
無上下元大赤天正法四望直靈鎮防大將軍一人官將守宅吏兵三十六萬人

軍一人官將守宅吏兵三十六萬人  
無上上上元始太上玉皇大道君命無上下元大赤天四鎮四司四望直靈大將軍等各部下元守宅吏兵各三十六萬人精加守防大道清真正法弟子某家宅舍防衛各三十六萬重勅某家宅內十二時上所有禁忌太歲大將軍門水戶尉井竈并某家上世先亡及土地真官並同今約七具今依玄科無上上上元始太上玉皇大道君上妙大乘正法為某封宅無上三元鎮宅上靈大錄某即稽首稱大道清真弟子即封以太上三元之章是日幽顯共明請天玉司監盟三天告命無幽不聞無冥不應無天不奉無地不承自今以去不得使某門戶更相招引災殃橫厄陰陽水火六天故氣魔精鬼賊非親祠而一切客死鬼神為凶禍侵害某門戶大小男女而不臣正法之者將軍吏兵即振威八方收取群精部送北鄴寒冰夜庭水府九都考士執繫長劫無原急急一如九都律令

謹條某甲先亡名目如左



亡曾祖父某 亡曾祖母某 亡祖父某

亡祖母某 亡父某 亡母某

右某家三世先亡今封以付無上三天天官將軍兵士等此皆某所宗祠之限自非常節皆不得妄生責望生人飲食作諸禍祟疾病子孫後胤生人若有犯者俱同部送九都求付律官若為福者利某家門三天玉司生官并鎮宅將軍即當為舉遷言名上三天奏其功德昇上九天元生福堂給以自然衣飯道選無為也長居福界祐利生人一如律令無上上上元始太上玉皇無極大道清真正法弟子某甲屬某郡縣鄉里某甲年若干歲男某女某  
右一戶男女若干口七具今封以太上三元之章以付無上三天玉司正法神生之官以無上三元各三將軍保賞某家男女年命以

鎮防某官宅各領守宅兵馬吏兵所部營衛  
某宅各三十六萬重一如  
無上元始太上玉皇大道君律令

太歲某年某月某日朔午時其師金明主真於某對

無上三天玉司正法律曰封無上三元鎮宅

上靈大錄當勅錄中三部天符之時即存象  
見無上上元始太上玉皇大道君形相金  
容朗徹與金明三尊俱來降也疑住雲空上  
又存見三天各三將軍兵士兵馬吏兵等各  
三十六萬人布滿十方俱來鎮防營衛某宅  
三十六萬重皆如人中兵馬無異也而勅符  
呪曰

虛無玉皇玉天開便玉清出號號曰金真玉  
虛明威三天生神正法玄乾符命九天攝氣  
輔兆檢精流烟策鬼召魔掃除無蠲靈將鎮  
防天兵為鄰正道運行保兆今晨萬精摧滅  
敢干兆身吾命神公普拂妖塵有善者遷有  
逆者擯急急一如律令  
無上三天玉司正法律曰十方天人地兆初  
封無上三元鎮宅上靈錄當送玄都係命籍

之末二石四斗五方鎮錄隨方足數紫紋命  
素各一疋錢二貫四百文持法上元二十四  
生氣以應二十四生神之元命亦象二十四  
洞混生之府下為二十四神以表三元之數  
也皆如律品不得有違七真曰天人地兆初

及此科者亦可一石二斗錢一貫二百文  
縮一十二疋亦可八疋錢八百文縮八疋  
也一十二數以應十二神真八數以法八  
卦也

無上三天玉司正法律曰十方天人地兆封  
無上三元鎮宅上靈錄者年輪玄都上元生  
氣命米二石四斗五方鎮錄命敘命素縮錢  
等以付法師門下也法師得弟子命米縮錢  
等則當出八數以供功德為十方諸天帝皇  
所在帝主國王修建金真轉法輪大齋又以  
八數唯建三元為弟子遷賞鎮防將軍兵士  
言功進秩八數唯以供施天下貧窮及山栖  
道士也若有違者唯九都刑律論七真曰天  
人多有貧窮者亦可輸錢餉米等不計多  
少以充法師功德限明也

無上三天玉司正法律曰十方天人地兆封  
無上三元鎮宅上靈錄者若不輸命信米限  
則三天司命滅兆算十若依年限奉送法師  
門下則司命加兆算十皆如律准

弟子皆當修身潔已建自然齋燒香行道轉  
經禮懺然燈照夜一日一夕六時請福并選  
賞鎮防上天天官也兆居所若無法師行遣  
者亦許家男女止可心存金明持中而已其  
亦要矣是三元日弟子不修齋持戒者上元  
玉司天官不上兆名於生元之錄法准三刑  
律論

無上三天玉司正法律曰夫天子王侯若欲  
寧國安民以享無窮之作保於社稷者皆封  
是靈錄以鎮帝主國王宮閣之門上也七真  
曰十方及諸上天天帝上帝上帝帝各各  
封是靈錄於諸天壇門玉閣之上也况復  
下界天子王侯乎  
無上三天玉司正法律曰十方飛天上帝皇及  
諸梵天天王并五方五帝天君並各封是靈  
錄以鎮天地之運以保固天元之正度和適



陰陽之氣致得用自然之化君乎自然之運也七真曰靈籙者十方諸天上帝至真大聖

中尚奉之况復天下人乎

無上三天玉司正法律曰法師為弟子封靈

籙收命米鎮信等限若不為三品准用施散

入功德用者法師結考九都之官即入九劫

刑律論

無上三天玉司正法律曰法師收弟子年債

命米鎮信等自入己身供於父子而不為弟

子建功立福者罪唯九都考官名入三刑五

劫律論

無上三天玉司正法律曰法師三元大慶之

日若不為弟子建功違賞將軍兵士者法師

身收殃罰於死王之都名入三刑考律論

無上三天玉司正法律曰法師三元日不得

為弟子家言名三天玉司生神上官者法師

身見世受諸災害死入九幽九刑律論

無上三天玉司正法律曰十方諸天諸地無

極世界百姓男女人家門若有災祥變怪妖

異獨亡客鬼招引群凶恒為天人作諸禍祟

者則應依正法齋命米命練命素錢等詣法

師封於靈籙也七真曰若得靈籙者保此不

但止辟災厄也亦辟大小陽九大小百六

於水火風刀之窮年

無上三天玉司正法律曰十方天人正法弟

子封是靈籙鎮於官宅門戶上者則使人神

澄氣清官宅肅然諸天擁護三界之官俱來

衛門天神地祇奉承正法弟子恒來稽首朝

拜靈籙并營衛門庭無敢生害心者

無上三天玉司正法律曰十方天人正法弟

子若家門有諸疾患厄會陰陽水火盜賊欲

來加害或恒有為侵亂者弟子家長一人可

沐浴整潔衣服持齋燒香於靈籙之下禮九

拜即而答言災厄輕重隨由請乞心存三部

無上三天玉司正法律曰十方天人地兆若

家門增口三年之後則應更封靈籙若家門

失編城口三年之後亦當更封靈籙若三年

無增無減即不用封也可至九年改籙更封

若不改籙將軍兵士則應受功昇天而去是

以應須改籙若九年不改弟子即准入三刑

律論

無上三天玉司正法律曰十方天人地兆封

靈籙不得禮拜符廟鬼神邪師巫祝并馳物

求福有犯者准三刑律論

無上三天玉司正法律曰十方天人地兆封

靈籙之後弟子家門不得招引非人故氣師

姑女即歌舞宅內非真之事准罪幽都三刑

律論

無上三天玉司正法律曰十方天人地兆封

靈籙不得違師背約若有犯者將軍兵士則

昇天官終不復鎮防守人官宅也准罪太陰

刑律論

無上三天玉司正法律曰十方天人地兆封

靈籙之後當助法師立三千善功開化天人

樹勝福田即加真十品位登上仙

無上三天玉司正法律曰十方天人地兆封

靈籙之家當以正月十五日七月十五日十

月十五日此則諸天三元校試天地水官人

鬼名目以定生死簿籙罪福之日封籙將軍

兵士兵馬吏兵各三十六萬人其象如見了

12/50. n

然有也。圍繞官宅，振威鎮防，收檢攝捕，群凶也。其日有能如是者，未見無災不消，無厄不度，無禍不滅，無福不生，無盜不滅，無善不宜，無凶不除，無精不却，無惡不伏，無吉不臻。

無上三天玉司正法律曰：十方天人正法律弟子若欲除却災害，消精滅禍者，當鳴天鼓三十六通而呪曰：

無上清微天、清微天、清微天、三將軍官將兵士各三十六萬人為其檢攝兵災之氣，無上禹餘天、無上禹餘天、無上禹餘天、三將軍官將兵馬各三十六萬人為其消除五方非災六害鬼精不正之氣，無上大赤天、大赤天、大赤天、三將軍官將兵各三十六萬人為其收除瘟災、毒疫、兵災、水火、疾苦之氣，即得殄滅為其振威、動兵、鎮防各三十六萬重守國、某宅四面八方警衛、禁備一如無上上上元始太上玉皇大道君律令。七真曰：弟子若家門怖畏，并有不祥、光異、怪魅、家室憂諸災厄，或隣家有凶、更相破害，或夜中夢想

不真或懼怖、瘟災、水火、盜賊、諸欲加害者，皆當如是呪也。其禍立消，即保爾曹無為者也。

無上三天玉司正法律曰：法師為十方天人弟子封鎮宅靈籙，當一依付度玄籙章儀典。

次序以奏言表事也。言奏事竟，即與弟子於靈壇上南北相對，說度靈籙上將軍兵士弟子皆稱名受度。官畢，法師即勅籙符咒，次封以太上三元之章也。法師而授靈籙與弟子，弟子即稽首作禮於法師前，稱言大道清真。

正法律弟子某甲而禮九拜。七真曰：封靈籙事，出官章表刺事，並依付度籙儀典也。此更無差別，唯改易章中小小四用。

無上三天玉司正法律曰：十方天人弟子封靈籙之後，不得作諸劫盜、抄略、與人更相招引出入門戶。若為天官司、糾弟子家宗，即入九都煞律三刑罪論。

無上三天玉司正法律曰：十方天人弟子封籙之後，不得泄慢靈籙，以穢神氣罪入九幽律論。

無上三天玉司正法律曰：十方天人弟子安置靈籙，並鎮堂戶之上，以制萬靈，非正諸氣。無上三天玉司正法律曰：十方天人弟子不得以靈籙賤除罪，同唯九都煞律論。無上三天玉司正法律曰：十方天人弟子不得取靈籙棄置，非已之家，罪准三刑不敬律論。

無上三天玉司正法律曰：十方天人出入門戶，皆當存心思神像，見將軍兵士列於宮宅，恒不忘之者，災害立消，神氣常存也。

無上三天玉司正法律曰：上部三將軍形長三千六百丈，身相金剛之狀，手握玉皇九色召神八煞靈節，乘三色毒龍，虛疑太空之中，去地千丈，將領兵馬神功，玄降即使百刃摧心，萬凶時消也。十方天人弟子常當象見如是矣。

無上三天玉司正法律曰：中部三將軍形長三千四百丈，身相與上將軍形狀相似，手握九天七色神虎，大煞靈節，乘辟邪之獸，虛疑去地五百丈，將領神兵，玄降即使千毒摧刃。

無上三天玉司正法律曰：下部三將軍形長三千二百丈，身相與上將軍形狀相似，手握九天七色神龍，大煞靈節，乘辟邪之獸，虛疑去地五百丈，將領神兵，玄降即使千毒摧刃。

無上三天玉司正法律曰：下部三將軍形長三千二百丈，身相與上將軍形狀相似，手握九天七色神龍，大煞靈節，乘辟邪之獸，虛疑去地五百丈，將領神兵，玄降即使千毒摧刃。

無上三天玉司正法律曰：下部三將軍形長三千二百丈，身相與上將軍形狀相似，手握九天七色神龍，大煞靈節，乘辟邪之獸，虛疑去地五百丈，將領神兵，玄降即使千毒摧刃。

無上三天玉司正法律曰：下部三將軍形長三千二百丈，身相與上將軍形狀相似，手握九天七色神龍，大煞靈節，乘辟邪之獸，虛疑去地五百丈，將領神兵，玄降即使千毒摧刃。

無上三天玉司正法律曰：下部三將軍形長三千二百丈，身相與上將軍形狀相似，手握九天七色神龍，大煞靈節，乘辟邪之獸，虛疑去地五百丈，將領神兵，玄降即使千毒摧刃。

萬姦地亡十方天人弟子常當存見形狀如是也

無上三天玉司正法律曰下部二將軍形長三千二百丈身相同一相似也手握三天三色神金制魔三煞靈節乘防非之獸將軍虛疑去地五丈吏兵在地從上至下彌羅蓋覆一宅將領兵馬玄降即使五方瘟疫疫毒奔逸無民之地妖精殄却保兆平存而得吉貞十方天人弟子常當存見靈將神兵之狀如是也

無上三天玉司正法律曰正道則正法正法則正教正教則正覺十方天人弟子既登正一道則無民而化正法是與天人弟子不可同歸正範也七真曰無民而化者道本妙無之宗而妙應於大無其真空無至空即至道道真上妙且仁智能於大量也以指太虛也太虛以自難究何況至道乎道妙有妙無無中自然之功用故此大有為故總智以為神總神以歸慧也可謂智慧而成此大明之妙中自然之正智也正智者則

正道其運自功其化自用是以四象用之而為主妙之上妙也故弘馬萬道之上更何民哉十方諸天至真大聖其不尊仰稍首釋乎弟子上帝天真大神亦復如是况復天人乎况復地地乎况復鬼神乎而不欲師之矣正化既範更何民之有也稍首於法師者皆是清真正法弟子也既釋弟子可謂無民而致化道也即在其中矣

無上三天玉司正法律曰十方天人弟子封靈錄之後不得共相合進造立兵仗謀圖所住國主及逆帝皇欺天罔地有如此者罪唯九幽地下女青八煞律論  
無上三天玉司正法律曰十方天人弟子封錄之後不得口是心非欺陵孤弱當平等心識天神來護若造惡者法准九幽女青三刑律論  
無上三天玉司正法律曰十方天人弟子封錄之後不得煞害人命凶悖自任不臣法誠有犯者唯罪九幽都官三刑律論

無上三天玉司正法律曰十方天人弟子封錄之後不得背師欺君有犯者唯罪九幽長劫律論

無上三天玉司正法律曰十方天人弟子封錄之後法師相去既遠即許命米准弟子家門男女八節本命之日以供弟子持齋功用也若不唯齋又不送法師門下唯罪九幽八煞律論

無上三天玉司正法律曰法師封錄命米不得居倉聚積以擬荒年貨取責直法師皆准三千九刑律論  
無上三天玉司正法律曰法師收弟子命米命錢命絹限不得聚在倉庫而不施散有犯者法師唯罪三千九幽煞官律論  
無上三天玉司正法律曰法師收弟子命米不得居倉庫三年不作功德有犯者唯罪三千幽都八煞律論  
無上三天玉司正法律曰十方天人弟子若失靈錄者皆罰靈寶一室謝愆事竟然後方許誦法師更封若不齋而法師輒為封錄者

法師與弟子罪同三刑律論

無上三天玉司正法律曰十方天人弟子若遇災兵水火厄會去失靈錄者則許不勞齋正詣法師封錄而已弟子若不更封准罪九刑陰都女青律論

無上三天玉司正法律曰法師不得欺罔弟子妄有所貴望貪利無已罪皆准三刑律論

無上三天玉司正法律曰十方天人弟子自覺有靈即當詣法師發露懺悔謝罪也其愆自除若不爾者准罪三刑律論

無上三天玉司正法律曰法師不得因弟子休否有所貪索罪同幽都九刑律論

無上三天玉司正法律曰法師不得因弟子休否有所貪索罪同幽都九刑律論

無上三元鎮宅靈錄

金明七真序

蓋正法者則正道也故能明覺至於大覺乃登正覺入乎妙覺的然大妙矣實妙之窮微微之上妙豈以言象能論之哉自非玄聖誰敢指之於象外而引之於象內也

夫靈錄者本出無上上元始太上玉皇君傳從無窮劫中來常於季劫行馬出世度人濟苦於陽九保百六而無傷是以道

君眷眷之化豈為已哉且正教實猶慈母念念於赤子亦如良醫之治病豈願之而不有効也但救世法乘也復如之者矣故

三界蒼生在斯煩熱患難之中命若燈燭焉知其苦亦言樂在其中耳我觀群迷真不樂也所以年壽只如電轉終淪八難悠悠長劫五毒備經十苦幽徒將何樂哉身

未謝之間見世誦誦災兵莫察况復此沉散也可謂慈真下教則使幽途朗覺九夜方明冥昧發其智鏡之門以照群生未悟之始今之通此六慧既無滯使生者家門吉貞亡者昇化天堂遊神自在以利後

世子孫之安存者則此靈錄之正教而致保兆得度五屬至於三災六害不使加身其功能制天地之運沉復鬼神乎而不滅矣但無上三天玉司正法所部如是威神乃自然之靈將也兵士亦然唯我信矣兆民豈能悟哉

世子孫之安存者則此靈錄之正教而致保兆得度五屬至於三災六害不使加身其功能制天地之運沉復鬼神乎而不滅矣但無上三天玉司正法所部如是威神乃自然之靈將也兵士亦然唯我信矣兆民豈能悟哉